



UNIVERSITÄTS-
BIBLIOTHEK
PADERBORN

Dissertationes Ad Jus Publicum Romano-Ecclesiasticum

Bessel, Johann Franz

Coloniæ, 1715

VD18 14847493

§. V. Archi-Episcopatus Salisburgensis. Das Ertz-Stifft Saltzburg.

[urn:nbn:de:hbz:466:1-61383](#)

ibidem episcopus fuit Burchardus. Ultimus episcopus qui à fide Catholica defecerat, & Augusto Ele-
ctori Saxoniæ potissimum ditiones hujus episcopatus cessit, erat Johannes Haugwitz, uxorem dicens; & proinde domui Saxonica hic episcopatus fuit incorporatus. Quartus suffraganeatus erat

Episcopatus Brandenburgensis. Das Bisthum Brandenburg.

^s Fundatore Ottone Magno er-
ectus, circa annum 960. primus ibi-
dem episcopus sedet Dulinus, ulti-
mus vero & in serie episcoporum
quadragesimus secundus, ex Duci-
bus de Munsterberg Silesius, mor-
tuus Uratslavii, ubi simul erat
præpositus ecclesie Cathedralis.
hoc mortuo episcopatus fuit incor-

poratus domui Brandenburgicæ.
Ultimus denique suffraganeatus
erat.

Episcopatus Havelbergensis. Das Bisthum Havelberg.

Erectus a fundatore Ottone M. 6
anno 946. Primus hujus cathedræ
episcopus erat Udo. Ultimus ve-
ro & in ordine episcoporum trige-
simus sextus, erat Busso II. ex per-
illustri familia de Alvensleben, ele-
ctus anno 1523. obiit Catholicus an-
no 1548. quo extinto tandem anno
1553. hic episcopatus ad domum
Brandenburgicam pervenit.

Extincto autem Archiepiscopa-
tu Magdeburgensi, dignitas prima-
tus est translata in Archi-præfulem
Salisburgensem, ac proinde nunc
ordine primus venit:

§. V.

ARCHI-EPISCOPATUS SALISBURGENSIS.

Das Erz-Stift Salzburg,

SUMMARIA.

1. Archi-Episcopatus Salisburgensis
notatur. 2. Ejus suffraganeatus Pas-
saviensis. 3. Ratisbonensis. 4. Fri-
singensis. 5. Brixensis. 6. Gurcen-

censis. 7. Chiemensis. 8. Seccoviensis.
9. Lavantinus. 10. Tridentinus.
11. Viennensis. 12. Neostadiensis.

Initium sumpsit sub annum 582. quo S. Rupertus Salzburgi eccl-
esiæ S. Petri, cœn futuram sedem E-

piscopi ædificaverat, & demum ad
instantiam Caroli Magni huic Epi-
scopatu superaddita fuit dignitas
Archie-

Archi-episcopatus, à Leone III. Pontifice & Episcopus Arno pri-
mum obtinuit hanc dignitatem Ar-
chi episcopalem anno 798. Insignis
prærogativa accedit, quod hic so-
lus imperii Princeps creet alios im-
perii Principes, scilicet suffraga-
neos suos. Certe qui Salisburgum
considerat, alteram Romam mira-
bitur. Modernus & in serie Ar-
chi-episcorum quinquagesimus
nonus, & anno 1705. in coadjuto-
rem electus est.

Reverendissimus ac celisimus
S. R. I. Princeps ac Dominus
D. FRANCISCUS ANTONIUS.
Ex illustrissima familia Comitum
de Harrach, antea episcopus Vien-
nensis; hujus Archiepiscopi sedes
& curia est Salisburgum, civitas sita
ad saltzam fluvium, montibus uni-
dique circumvallata, ædificiis &
templis splendidissima, quam ex-
ornat templum universitatis per
Germaniam celeberrimæ; cæte-
rum abundat hic Archi-episcopa-
tus fere omnibus ad humanam su-
stentationem necessariis, metallis,
sale, feris; ut fere deliciarum enpo-
rium liceret appellare. Territo-
rium est amplissimum, & præterea
bona adhuc possidet in Austria,
Stiria, Carinthia.

Appellatur hic Archi-episcopus
per Germaniam Primas, quam præ-
rogativam a Magdeburgensi trans-
latam obtinuit: & præterea se scri-
bit S. sedis Apostolicæ Legatum
natum, quo titulo Gebhardus
a Gregorio VII. fuit primum ho-

noratus; denique in comitiis hic
Archi-episcopatus alternat ratione
directorii cum Archi-ducali domo
Austriaca. Inter suffraganeos ab
aliquibus numeratur, ab aliis ve-
ro in dubium vocatur

Episcopatus Passaviensis. Das Hochstift Passau.

Qui initium sumpsisse perhibe-
tur sub annum 598. Primo ejus-
dem sedis episcopo Erckenfrido,
fundationem vero adscribunt
Theodoni III. Duci Bavariae. Epi-
scopus modernus & in serie episco-
porum septuagesimus septimus qui
defuncto cardinali de Lamberg
anno 1712. successut est
Reverendissimus ac Celsissimus
S. R. I. Princeps ac Dominus,
**D. RAYMUNDUS FERDI-
NANDUS.**

Ex illustrissima familia Comitum
de Rabbatta, electus anno 1712.

Inter hujus episcopatus officia
hæreditaria, Pincernam agit Co-
mes de Lamberg, Marechallum
Comes de Nothaft, Camerarium
Eques de Aheim, Dapiferum Do-
minus de Penzenau. Curia epi-
scopi est Passavii, cuius urbis arce
munitæ est Dominus, & præterea
ad hujus territorium pertinent:
1. Viechtenstein. 2. Riedenburg.
3. Obernberg, cum pluribus satra-
piis in Bavaria. In Austria habet
civitatem Mautern, Trubensee,
Everding, Amstatten, Ebersberg,
Haag, Starenberg, Haffnerszell &c.

Cæte-

Cæterum hic episcopatus pertinet ad circulum Bavoricum. Hunc suffraganeatum subsequitur

**Episcopatus Ratisbonensis.
Das Bisphum Regenspurg.**

³ Hunc episcopatum quidam dicunt esse exemptum ab omni jurisdictione Metropolitana, quo etiam in disquisitionem non vocato, primo dicendum est, quod anno 470. S. Paulinus huic episcopatui initium dederit; sub annum vero 740. S. Bonifacius hunc episcopatum quasi de novo fundavit & restauravit. In episcopum hujus sedis septuagesimum tertium electus fuit anno 1685.

Serenissimus Bavariae Dux,
JOSEPHUS CLEMENS.

Inter hereditarios hujus episcopatus officiarios est Dapifer Comes de Nothafft. Marechallus est Comes de Töring. Pincerna est L. B. de Pfettau. Camerarius est, Eques de Stingelheim. Ecclesiæ cathedralis sunt 12. Canonici capitulares & 12. Domicellares. Huic suffraganeatui succedit

**Episcopatus Frisingensis.
Das Bisphum Freylingen.**

⁴ Qui exordium sumpfit per S. Corbinianum primum Frisingensem Episcopum & Grimoaldum Bavariae Dacem. Modernus in serie episcoporum quinquagesimus septimus est electus anno 1695.

Reverendissimus ac Celsissimus
S. R. I. Princeps ac Dominus,
D. JOAN. CHRISTOPHORUS.

Ex libris Baronibus Ecker de Kupfing, Princeps plus exornans dignitatem virtute, quam ipse insigniatur à dignitate, qui animam nactus est tanto Principe dignissimam! litterarum scientia excultam, & principali clementia svavissimam.

Inter hereditarios hujus episcopatus officiales Dapiferum agit Dominus de Seyboltsdorff, Mareschallum Nobilis de Penzenau, Camerarium L. B. de Weix, Pincernam Dominus de Preising in Kopfsberg.

Ecclesiæ cathedralis sunt 24. canonici, tum Nobilestum Doctores. ad territorium Frisingense pertinet ipsa Metropolis, in qua est aula & curia episcopi. 2. Comitatus Ismanning. 3. Comitatus Werdenfels. 4. ditio Bruckrainensis. 5. in Austria huc pertinet Hollenburg, Elzendorff, & Ulmerfeld. 6. in Stiria. Rotenfels, Oberweilen, Bayrischweidhosen. 7. in Tiroli Hitig & Insing. 8. ditio Lackensis huic succedit

**Episcopatus Brixensis.
Das Bisphum Brixen.**

Episcopatus hic in comitatu Tyrolensi situs, exordium haufit circa annum 350. per sanctum Cassianum, qui primam sedem episcopalem Sabionæ fixerat, ibique sedes permanerat per annos 688. quo tempore appellatus fuit episcopatus

Xx

tus Sabionensis, usque dum Hartwicus episcopus anno 1038. sedem transtulerit Brixiam, unde postmodum hic episcopatus dictus est Brixiensis. Modernus & in serie episcoporum octuagesimus octavus est

Reverendissimus ac Celsissimus S. R. I. Princeps ac Dominus,
D. CASPAR IGNATIUS.
ex illustrissima Tyrolensi familia comitum de Kunigl. habet hic episcopatus votum & sessionem in imperio tanquam status imperii immediatus, quamvis etiam certis partibus obtrinatur Archi-ducali domui Austriacæ.

Inter hereditarios hujus episcopatus officiales est Dapifer Comes de Wolkenstein, Marechallus L. B. de Welsperg, Camerarius L. B. de Voels, Pincerna Comes de Thun. Ecclesiæ cathedralis sunt 19. canonicæ, inter quos etiam Doctores & Licentiati. Ceterum hic episcopatus pertinet ad circulum austriacum. Hunc excipit suffraganeus

Episcopatus Gurcensis. Das Bisthum Gurc.

Situs in Carinthia, initium traxit a pia fundatrice Hemma conjugi Landravii de Frifach, nata comitissa de Peilstein, & opitulante Gebhardo, Archi episcopo Salisburgensi, primus Gurcensis episcopus constitutus fuit Guntherus; modernus & in ordine episcoporum Gurcen-

sium quadragesimus primus, qui Ottoni ex Abbatte Banthensi Ord. S. Bened. in Franconia, facto episcopo, & mortuo anno 1705. successerrit, mihi non constat.

Hic episcopatus licet à Domo Austricâ eximatur jam ab anno 1548. gaudet tamen voto & sessione in Comitiis Imperii. Vitriarius illustratus, lib. i. tit. 15. litt. ff. hunc sequitur

Episcopatus Chiemensis. Das Bisthum Chiemsee.

Situs in superiori Bavaria, curia episcopal is est in arce Chiemsee, sic dicta à lacu, qua circumdatur; initium sumpfit ab Eberardo II. Archi-episcopo Salisburgensi 1215; primus que ibidem episcopus fuit Rudigerus ab anno 1215. usque ad an. 1233.

Inter suffraganeatus Metropolitani Salisburgensis etiam venit:

Episcopatus Seccoviensis. Das Bisthum Seccau.

*Qui nomen traxit à monasterio*⁸ hujus nominis in Styria sito, à quo non procul distat oppidum Leibniz, in quo est curia episcopal is. Fundatorem suum vocat hic episcopatus Eberhardum II. Archi-præfulem Salisburgensem, qui primum ibidem episcopum sub Honorio III. Pontifice præfecit Carolum, anno 1219. Episcopi numerantur ab exordio in hunc usque diem quadraginta,

Eodem

Eodem ordine & jure suffraganeorum venit

**Episcopatus Lavantinus.
Das Bisphum Lavant.**

9 Situs in inferiori Carinthia ad fluvium Lavant, à quo civitas & curia episcopi nomen trahit, terra vicina nuncupatur das Laventhal/vallis Lavantinus; Episcopatus auctem fundatorem recogonoscit Archi-episcopum Salisburgensem Eberhardum II. qui consensu Honori III. Pontificis eundem exstruxit; nec tamen voto aut sessione gaudet in Imperio.

Sub eodem ordine & jure suffraganeorum venit

Episcopatus Tridentinus.

10 Qui suum numerat exordium ab anno Christi 45. quo primus ibidem episcopus fuit ordinatus Jovinus ab Hermagora, Patriarcha Aquileiensi, discipulo Evangelistæ Marci. Nomen autem traxit ab urbe & sede episcopali Tridento, quæ licet sit in confinibus Italiz, nihilominus ad Tyrolensem Comitatum adhuc pertinet. Tractu temporis hic episcopatus variis ditionibus fuit auctus à Theodosio magno, Carolo magno, Conrado II.

Privilegia hujus episcopatus quod attinet, habet is in Imperio votum & sessionem, sicut anno 1511, inter domum Austriacam &

hunc episcopatum certæ quædam pæctiones fuerunt initæ, quarum præcipua puncta sunt: 1. quod episcopus Tridentinus ut immediatus Imperii Princeps, votum & sessionem in Comitiis habere debeat. 2. Quod Archi-Duces Austriz, dum simul fuerint Comites Tirolis, debeat esse advocati hæreditarii hujus episcopatus. 3. Quod episcopus per suum legatum debeat comparere in comitiis five conventibus Tirolensisbus, & suam quotam conferre ad communem patriæ necessitatem ac subsidium. 4. Quod domus Austriaca vicissim onera Imperio præstanta debeat in se recipere. Inter hujus episcopatus hæreditarios officiales, Marechal-lus est L. B. de Firmian, Princerna est Comes de Thun. Modernus & in ordine episcoporum centesimus sextus, electus anno 1696, est

Reverendissimus ac Celsissimus
S.R.I. Princeps ac Dominus,
D. JOANNES MICHAEL.
Natus est ex Tyrolensi familia
Comitum de Spaur & Vallör.
Ulterius venit in ordine suffraganeorum:

**Episcopatus Viennensis.
Das Bisphum Wien.**

In civitate & Metropoli Archi-Ducum Austriacorum est erectus episcopatus, qui episcopus tamen nullam exercet jurisdictionem nisi mere ecclesiasticam, & ut credibile

bile videtur, episcopus aulicus
sive domesticus Augustissimi Im-
peratoris; Interim donatus est à
sua Majestate Imperatoria titulo
Principis Imperii, quin tamen vo-
tum aut sessionem habeat. Mo-
derni cognomen est RUMMEL,
olim in aula gloriosæ recordationis
Josephi I. Imperatoris gratus.

Ultimo venit inter suffraganeos 12
Salisburgenses

Episcopatus Neostadiensis.
Das Bisphum von der Wiene-
rischen Neustadt.

Modernus est natus ex illustrissima
familia Comitum de Buchain-
Schönborn.

§. VI.

ARCHI-EPISCOPATUS BREMENSIS.

Das Erz-Bisphum Bremen.

SUMMARIA.

1. Archi-Episcopatus Bremensis or-
tu & progressus recensetur. 2. Re-
censetur Episcopatus Lubecensis. 3. E-
piscopatus Schleswicensis qualiter or-
tu & extinctus fuerit? 4. Ratze-

burgense exordium & suppressio de-
scribitur. 5. Schwerinenensis ortus &
interitus. 6. Idem referitur de Le-
busensi. & 7. de Caminensi Episco-
patu.

1. Archi-episcopatus hic erectus fuit
ab initio in episcopatum, fundato-
re Carolo Magno, circa annum 785.
primusque ibidem episcopus fuit
Willehardus; tandem anno 848.
sub Ludovico Germanico episco-
patus Hamburgensis & Bremensis
fuerunt uniti in unum Archi-epi-
scopatum, & se scribebat Archi-epi-
scopum Hamburgensem, usque
dum anno 858. Ansgarius se so-
lum Archi-episcopum Bremensem
scribere incepit. Ultimus Archi-
episcopus in ordine 42. Catholi-
cus erat Christophorus e Ducibus

Brunsvicensibus, eratque simul
Episcopus Verdensis, qui obiit
anno 1558. Sepultus in ecclesia ca-
thedrali Verdensi, cui succedit præ-
defuncti Germanus frater Geor-
gius, qui primus fuit amplexus con-
fessionem Lutheranam. Tandem
anno 1648. per pacem Westphali-
cam hic Archi-episcopatus fuit sa-
cularizatus una cum vicino episco-
patu Verdensi, & sub titulo ducatus
fuit coronæ Suecicæ cessus, ita ut
duo capitula Brémense & Ham-
burgense nullum amplius habeant
jus eligendi aut postulandi. Hujus
Archii